



行役

歧路 鮑溶

吳興姚

鉉

纂

蜀道後期 張說

蜀中將歸留辭韋相公 歐陽詹

襄陽路逢寒食 張說

巡邊在河北作 張說

奉和左司負外先赴長安逢立春日贈韋侍郎 孫逖

初發太原至途中寄太原所知 歐陽詹

西還至散關蒼喬補闕 陳子昂 剡谿行却寄新別者 朱勣

舟中寄李司倉 鄭司戶 獨孤及曉發 賀知章 月夜江行 權德輿

汴州阻風 孟雲卿 江行四首 權德輿 江行柳中齋

懷寄 新都南亭別郭大元振 盧崇道 寄侍御從舅 權德輿

秋暮山中寄李益端公 鮑溶

寄趙七侍御因敘疇年之素寄懷於禱 李華

偶題安州浮雲寺樓寄湖州張郎中 杜牧

魏州從事寄耿拾遺 姚合 洪州客舍寄柳博士芳 薛業

岳州張史君與王都督別詩二首因遙申和章嗣立

留別武陵表丞王昌齡懷閻士和釋皎然秋山寄陳讓言王昌齡

海上寄蕭五獨孤及懷鄭洎孟遲寄贈吳處士釋皎然

宿吉祥寺寄廬山隱者楊衡春夢岑參

贈遠陸龜蒙 河梁別馬戴有所思盧仝

寄遠李白 寄遠曹翥 怨情李白

生別離白居易 別離陸龜蒙 離怨張籍

春愁韓翃 和贈遠獨孤及

失意 傷歌行張籍 遷謫江表父未歸竇參 失志夜坐思歸楚江孟郊

莫相疑行綦毋 失意歸吳寄劉侍郎孟郊 答李白朗楊洵美

徐大晦落第歐陽詹 王夫子白居易 孟先生詩韓愈

疾病 溫泉莊卧病寄楊七宋之問 訓于狄異耀問 病見韓愈

秋園卧疾呈暉上人陳子昂

傷悼 荅宋主簿蘇贈 平昔遊舊盧藏用 對酒憶賀真陸三首 李白

突玄英方干先生蘇頌 弔王蔣 官蘇 常建 國蘇 子孟郊

歧路 鮑溶

北風送微寒徒侶勤遠程憂人席不暖殘月馬上明飄飄歧路間

長見日初生重嶂曉色淺疎猿寒啼清人間多歧路常恐終身行

迴見四方人車輪無留聲空谷亦堪隱下田非懶耕古人有遺訓

飽食非親榮我生禮義鄉少小見太平聖賢猶羈旅况復非其名

秋入關 賈馳

河上微風來關頭樹初溼今朝關城吏又見孤客入上國誰與期

西來徒自急

晨裝行 歐陽詹

村店月西入山枝鳴鳩聲永裝徹夜席束囊事晨征寂寂人尚眠

悠悠天未明豈無偃息心所務前有程

蜀道後期 張說

客心爭日月來往預期程秋風不相待先至洛陽城

蜀中將歸留薛韋相公 歐陽詹

寧體即雲構方前怕玉食貧居豈及此要欲懷歸憶在夢關山遠

如流歲華逼明晨首鄉路迢遞孤飛翼

襄陽路逢寒食

張說

去年寒食洞庭波今年寒食襄陽路不辭著屐尋山水抵畏還家落春暮

巡邊在河北作

去年六月西河西今年六月北河北沙場積路何為爾重氣輕生知許國人生在世能幾時壯年征戰髮如絲會待安邊報明主作須封山也未遲

奉和左司負外自洛使入京中路先赴長安逢立春日贈韋

侍郎等諸公

孫逖

拜郎登省闈奉使馳車乘遙瞻使者星便是郎官應臺妙時放言皇華德彌補二吹聽風謠三秦望形勝此中睽友益是日多詩興寒盡歲陰催春歸日華證忽覩雲間數鴈迴更逢山上花正開河邊淑氣迎芳草林下輕風待落梅秋憲府中高唱入春鄉署裏歡聲來共言東閣招賢地自有西征謝傅才

初發太原途中寄太原所思

歐陽詹

鷗鳥竟漸遠迴頭長路塵高城已不見況復城中人去意自未甘居情諒猶辛五原東北晉千里西南秦一履不出門一車無停輪流萍與繫匏早晚期相親

西還至散關峽看補闕

陳子昂

歲暮蒼梧恩際吟白露蟬羽翰非本匹結交何獨全昔君事胡馬余得奉戎旂攜手同沙塞開河緬幽燕芳歲幾陽止白日憂祖遷功業雲臺薄平生玉珮捐歎此南歸日猶聞北戍邊代水不可涉巴江亦潺湲覽衣度函谷銜涕望秦川蜀門自茲始雲山方浩然

剡溪行却寄新別者

朱攸

潺湲寒谿上自此成離別迴首望歸人移舟逢暮雪頻行識草樹漸老傷年髮唯有白雲心為向東山月

早發龍且館舟中寄東海李司倉鄭司戶

獨孤及

沙禽相呼曙色分魚浦鳴榔十里聞正當秋風度楚水况值遠道傷離群津頭却望後湖岸別處已隔東山雲停鱸目送北歸翼惜

無瑤華持寄君

曉發

賀知章

故鄉杳無際江皋聞曙鐘始見沙上鳥猶理雲外峯

月夜江行

權德輿

扣舷不能寐浩露清衣襟彌傷孤舟夜遠結萬里心幽興惜瑤草  
素懷寄鳴琴三奏月初上寂寥寒江深

江行四首

曉

權德輿

曉風搖五兩殘月映石壁稍稍曙光開片帆在空碧

晝

孤舟漾暖景獨鶴下秋空安流日正晝淨淥天無風

晚

古樹夕陽盡空江暮靄收寂寞扣舷坐獨生千里愁

夜

猿聲到枕上愁夢紛難理寂寂深夜寒清霜落秋水

江行

繁陰乍隱洲落葉初飛浦蕭蕭楚客帆暮入寒江雨

新都南亭別郭大元振

盧崇道

竹徑女蘿躑躅洲文石隄靜深人俗斷尋玩往還迷碧潭秀初月  
素林驚夕棲褰幌納鳥侶罷琴聽猿啼佳辰改宿昔勝寄坐暎攜  
長懷賞心愛如玉復如珪

寄侍御從舅

初免職歸東山

權德輿

靡靡靡南軒薰迎風轉芬滋落落幽澗松百尺無附枝世物自多故  
達人心不羈偶陳幕中畫未負林間期感恩從慰薦循性難繫維  
野鶴無俗質孤雲多異姿清泠松露滋照灼巖花遲終賞稅鹿駕  
來就東山嬉

秋暮山中寄李益端公

鮑溶

舊事與日遠酒花仍舊香前年繡衣客此節過此堂待臣不自高  
笑解繡衣裳眠雲有餘態入鳥不亂行我恐雲嵐色損君鞍馬光  
君言此何言今日皆異鄉明日非今日下山道路長一從下山去天  
地再炎涼此期果難得夢君馬玄黃

寄趙七侍御自餘于谿行經弋陽至上饒山川幽麗思與雲  
鄉同遊邀不可得因敘疇年之素寄懷於篇 李華

搖槩曙江流江晴山復重心愜賞未足川迴失前峯凌灘出極浦

曠若天地通君陽青遶城開坵混元中九潭魚龍窟仙成羽人宮

陰奧潛鬼物精光動煙紅玄猿啼深龍子定反楚越謂竹樹深音為龍白鷗戲菽菱飛

湍鳴金石激溜鼓雷風雨濯萬木鮮霞照千山濃草閑長餘綠花

淨落幽紅渚煙見晨釣山月聞夜春覆谿窈窕波涵石洶溶浴丹

丘忽聚散素壁相奔衝白日破昏靄靈山出其東勢排昊蒼上氣

壓吳越雄迴頸望雲鄉此限發吾衷昔日蕭邵遊四人纔成童

公緯卿陷非罪折我昆吾鋒東嶺非以究蕭天寶中茂挺獨先覺拔身渡京

虹斯人謝明代百代墜鵝鴻橫彭南未知亂奔官在江世故墜橫流與

君哀路窮華承恩累遷尚書相顧無死節蒙恩逐殊封華泉川書五府天

波洗其瑕朱衣備朝容即趙拜補諫御史一別凡十年豈期復相從餘

生得攜手遺此兩眉翁群遷失眼馬羽後凋惜長松哀旅難重別懷

悽滿心曾遇勝悲獨遊貪奇悵孤逢禽尚彼何人胡為束縶籠吾  
師度門教投弁躡遐蹤

題安州浮雲寺樓寄湖州張郎中 杜牧

去夏踈雨餘同倚朱欄語當時樓下水今日到何處恨如春草多  
事與孤鴻去楚岸柳何窮別愁紛若絮

魏州從事寄耿拾遺 姚合

小在兵馬間長還繫戎職雞飛不得遠豈要生羽翼三年城中遊  
與君最相識應知我衷腸不苟念衣食主人樹勳名欲滅天下賊  
愚雖乏智謀願陳一夫力人生須氣健飢凍縛不得睡當一席寬  
覺乃千里寄古人不懼死所懼死無益至交不可合一合難離析  
君嘗相勸勉苦語毒骨髓百年心知聞誰限河南北

洪州客舍寄柳博士芳 薛業

去年鸞鷺巢主人屋今年花發路傍枝年年為客不到舍在國存亡  
那得知胡塵一起天下亂何處春風無別離

予昔忝省閣與岳州張使君潭州王都督同官聯事後承

朝譴各自東西張公與王都督別詩二首情頗殷切予覽以歎因遙申和云

韋嗣立

茂先王佐才作牧楚江隈登樓正欲賦復遇仲宣來黃鵠飛將遠雕龍文為開寧知昔聯事聽曲有餘哀

昔時陪二賢纓冕會神仙一去馳江海相逢共播遷無因千里駕忽覩四愁篇覽諷歡何已歡終徒愴然

留別武陵表永

王昌齡

皇恩暫遷謫待罪逢知己從此武陵發孤舟二十里桃花遺古岸金澗流春水誰識馬將軍忠貞抱生死

舟行懷關士和

釋皎然

二月湖南春草遍橫山渡日花如霰相思一日在孤舟空見歸雲三兩片

秋山寄陳讜言

王昌齡

巖間寒事早衆山木已黃北風何蕭蕭夜久露為霜感激不能寐中宵時慨慷黃蟲初悲鳴玄鳥去我梁獨卧時易晚離群情益傷思君若不及鴻鴈今燕翔

海上寄蕭五

朔風剪寒草寒露日夜結行行屆瀛壖歸思生暮節驛樓見萬里延首均羨遠碣遠海入大荒平無際窮髮舊國在夢想故人且胡越契闊阻風期荏苒成兩別海西望京口兩地各天末索吾動經秋載笑知曷月日窮南望盡唯見飛鳥滅音塵未易得何以慰飢渴

懷鄭洎

孟遲

風蘭舞幽香雨葉墮寒滴美人來不來前山看向夕

杼山禪居寄東谿吳處士

釋皎然

青雲何濯濯下有賢人隱路入菱湖深跡與黃鶴近野風吹白芷山月搖清軫詩祖吳叔庠到君才不盡身當青山秀詩曰家住青山下青山有吳均故宅後改為吳均山文體多野聲澄澈湘水碧

沈寥楚天清時人格不同至今罕知名昔賢敦師友此道獨君行既得廬霍趣乃高雷遠情別時春風多掃盡雪山雪為君中夜起孤坐石上月悠然遺塵想貌矣達性說故人不在茲幽桂惜未結

宿吉祥寺寄廬山隱者

楊衡

風鳴雲外鍾鶴宿千年松相思杳不見月出山重重

春夢

岑參

洞房昨夜春風起遙憶美人湘江水枕上片時春夢中行盡江南數千里

贈遠

陸龜蒙

茱萸匣中鏡欲照心還懶本是細霄人別來羅帶緩從君出門後不奏雲和管妾思冷如簧時時望君暖心期夢中見路永魂夢短怨坐泣西風秋窻月華滿

河梁別

馬戴

河梁送別者行哭半非親此地足征戰胡天多殺人金罍照離席寶瑟疑殘春

有所思

盧仝

當時我醉美人家美人顏色嬌如花今日美人弃我去青樓珠箔天之涯娟娟嫦娥月三五八盈又缺翠眉蟬鬢生別離一語素心斷絕心斷絕幾千里夢中醉卧巫山雲覺來淚滴湘江水湘江兩岸花不深美人不見愁人心含愁更奏綠綺琴調高絃絕無知音美人兮美人不知為暮雨兮為行雲相思一夜梅花發勿到窻前疑是君

寄遠

李白

美人在時花滿堂美人去後餘空牀牀中繡被卷不寢至今三載聞餘香香亦竟不滅人亦竟不來相思黃葉落白露濕青苔

寄遠

賈島

別腸多鬱紆豈能肥肌膚始知相結密不及相結踈踈別限雁少密離恨難祛門前南流水中有北飛魚魚飛向北海可以寄遠書不惜寄遠書故人今在無況此數尺身阻彼萬里途自非日月光難以知子軀

怨情

李白

新人如花雖可寵故人似玉猶來重花性飄揚不自持玉心皎潔終不移故人昔新今尚故還見新人有故時請看陳后黃金屋寂寞珠簾生網絲

生別離

白居易

食糜不易食梅難藥能苦兮梅能酸未如生別之為難苦在心兮  
酸在肝晨雞載鳴殘月沒征馬重嘶行人出迴看骨肉哭一聲梅  
酸酸苦甘如蜜黃河水白黃雲秋行人河邊相對愁天寒野曠向  
處宿棠梨葉戰風颼颼生離別憂從中來無斷絕憂積心勞血氣  
衰末年三十告白髮

別離

陸龜蒙

丈夫非無淚不灑離別間杖劍對樽酒恥為游子顏蝮蛇一螫手  
壯士疾解腕所思在功名離別何足歎

雜怨

張籍

切切重切切秋風桂枝折人當少年嫁我當少年別念君非征行年  
年長遠途妾身甘獨歿高堂有舅姑山川豈遙遠行人自不返

春愁

韓琮

金烏長飛玉兔走青鬢長青古無有秦娥十六語如絃未解簪花  
惜楊柳吳魚嶺鴈無消息水酌蘭情別來久勸君年少莫遊  
春暖風狂日農如酒

和贈遠

獨孤及

憶得去年春風至中庭桃李映瓊牕美人挾瑟對芳樹王顏亭亭與  
花雙今年新花如舊時去年美人不在茲借問離居恨深淺祇應獨  
有庭花知

傷歌行

張籍

黃門詔下從收捕京兆尹繫御史府出門無復部曲隨親戚相逢  
不容語辭成謫尉南海州受命不得須臾留身著青衫騎惡馬  
東門之東無送者郵夫防吏急喧驅往往驚墮馬蹄下長安軍中  
荒入宅東門已除十二戟高堂舞榭鏤管絃美人遙望西南天

遷謫江表久未歸

竇叅

一自經放逐徘徊無所從便為出山雲不隨飛去龍各豈不欲  
保歸豈不欲早苟無三月資難適千里道離心西顧思終日常草  
草人生年幾齊憂苦則先老誰能假羽翼使我暢懷抱

失志夜坐思歸楚江

孟郊

夜學曉未休苦吟神鬼愁如何不自閉心與身為離死辱片時痛

生辱長年羞青桂無直枝碧江思舊遊

失意歸吳寄劉侍郎

孟郊

自念西上身在忽隨東歸風長安日下影又落江湖中離婁豈不明  
子野豈不聰至寶非眼別至音非耳通因緘俗外辭遠寄高天鴻

答李昌期

楊洵美

三山載群仙峩峩誠浪中霞衣翦不得此路安可從我生亦何事  
出門如飛蓬白日又黃昏所悲埋草空蟲聲故鄉夢枕上木黍風  
吾道如未喪天運何時通

莫相疑行

杜甫

男兒生無所成頭皓白牙齒欲落真可惜憶獻三賦蓬萊宮自  
怪一日聲烜赫集賢學士如堵堵觀我落筆中書堂往時文彩動  
人主今日飢寒趨路傍晚將末節契年少當面論心背面笑寄謝悠悠  
世上兒莫爭好惡莫相疑

王夫子

白居易

王夫子送君為一尉東南二千五百里道途雖遠位雖卑月俸猶  
堪活妻子男兒口讀古人書東帶劍手來從仕近將徇祿給一家遠  
則行道佐時理行道佐時須待命委身下位無為恥命苟未來且求  
食官無高卑及遠邇男子上既未能濟天下下又不至飢寒死吾觀九品  
至一品其間氣味都相似紫綬未衣青布衫顏色不同而已矣王  
夫子別有一事欲勸君遇酒逢花且歡喜

孟先生詩

韓愈

孟生江海士古貞又古心嘗讀古人書謂言古猶今作詩三百首  
冥默成地音騎驢到京國欲和薰風琴豈識天子居九重鬱沈沈一  
門百夫守無籍不可尋晶光蕩相射旗戟翻以森遷延乍却走驚怪  
靡自任舉頭看白日泣涕下沾襟竭來遊公卿莫肯低華簪諒非  
軒冕族應對多差參萍蓬風波急桑榆日月侵奈何從進士此路  
轉嶮嶽異質忌處群孤芳難寄林誰憐松桂性競愛桃李陰朝悲  
辭樹葉文感歸巢禽顧我多慷慨窮簪時見臨清宵靜相對髮白  
恥苦吟採蘭赴幽念眇然望東南秦吳脩且阻兩地無數金我論  
徐方牧好古天下欽竹實鳳所食德馨神所歆求觀衆亦必上秦

山岑求觀衆流細必泛滄溟深子其聽我言可以當所箴既獲則  
思返無爲又滯滯卞和誠三獻期予在秋碁

徐十八晦落第

歐陽啓

嘉穀不夏熟大器當晚成徐生異凡鳥安得非時鳴汲汲有攸爲  
驅驅無本情懿哉蒼梧鳳終見排雲征

溫泉莊卧病寄楊七閻

宋之問

多病卧茲嶺寒寒倦幽獨賴有高山高枕長在目茲山棲靈異  
朝夜翳雲族是日濛雨晴返景入巖谷暮暮緣澗草菁菁山下木  
此意方無窮環顧悵林麓伊洛何悠漫洲源信重複夏餘鳥獸蕃  
秋末禾黍熟秉願守樊圃歸閑欣藝菽惜無載酒人徒把涼泉掬

夏中訓于秋畢耀問病見贈

獨孤及

救物智所昧學仙願未從行藏兩乖角踳躑風波中淪跡未摠念  
卧病非養蒙閉關涉兩旬羈思浩無窮鸞鶴荷處來雙舞下碧空  
離別隔雲雨惠然此相逢把手賀疾間舉杯欣酒濃新詩見久要  
清論激深衷高館舒夏簟開門延微風火雲赫差我日暮千萬峯

秋園卧疾呈暉上人

陳子昂

幽寂曠日遙林園轉清密疲疴澹無豫獨坐泛瑤瑟懷挾萬古情  
憂虞百年疾絲絲多滯念忽忽每如失緬想赤松遊高尋紫庭逸  
勞悵始都喪幽人遂貞吉圖書紛滿牀山水蕩盈室宿昔心所尚  
平生自茲畢願言誰見知梵筵有同術八月高秋晚涼風正蕭瑟  
宋侯鳴臯夢趙六子未及報而陳子云亡今追爲此詩答

宋主簿廉貽平昔遊舊

盧藏用

暮川罕停波朝雲無留色故人琴與詩可存不可識識心尚可親  
琴詩非故人鳴臯初夢趙蜀國已悲陳感化傷淪滅竟交昔未申  
冥期失幽報茲理復令晨前嗟成後泣已矣將何及舊感與新悲  
虛懷疇昔時趙侯鴻寶氣獨負青雲姿群有含妙識衆象懸清機  
雄談盡物變精義解人頤在陰旣獨善幽躍自爲疑踈彼千里足傷  
哉一尉欺陳生富清理卓犖兼文史思縈巫山雲調逸岷江水鏗

鏘哀忠義感激懷知己負劔登薊門孤遊入燕市浩歌去京國  
歸守西山趾幽居探元化立言見千祀理沒經濟情良圖竟云已  
坐憶平生遊十載懷嵩丘題書滿古壁採藥遍巖幽子微化金鼎  
僊筮不可求榮哉宋與陸各宦表中州在亡一睽阻岐路方悠悠  
自余事山海及茲人世改傳聞當世榮皆是古人名無復平原賦  
空餘隣笛聲泣對西州使悲訪北邙坐新墳蔓宿草舊闕毀殘銘  
為君成此曲因言寄友生默語無窮事凋傷共此情

對酒憶賀監二首

并序

李白

太子賓客賀監於長安一見呼予為謫仙人因解金龜換酒為樂  
沒後對酒悵然有懷而作是詩  
四明有狂客風流賀季真長安一相見呼我謫仙人昔好孟中物  
今為松下塵金龜換酒處却憶淚沾巾

其二

狂客歸四明山陰道士迎勅賜鏡湖水為君臺沼榮人亡餘故宅  
空有荷花生念此杳如夢淒然傷我情

重憶一首

欲向江東去定將誰舉杯稽山無賀老却悼酒船迴

哭文英方干先生

孫郈

斗牛文星落知是先生死湖上聞哭聲門前見彈指官無一寸祿  
名傳千萬里死著紙衣裳生誰念失紫我心痛其語淚落不能已  
猶喜辜補闕揚名獻天子

弔王將軍墓

常建

嫖姚北伐時深入疆千里戰餘落日黃軍敗鼓聲死常聞漢飛將  
可奪單于壘今與山鬼隣殘兵哭遼水

國殤

孟郊

徒言人長靈白刃亂縱橫誰言當春死不及群草生堯舜宰乾坤  
器農不器兵秦漢盜山岳鑄殺不鑄耕天地莫生金生金人起爭

文粹卷第十六之上

古調九

總七十四首

吳興姚

鉉

纂

知已

仰荅章司業垂訪五首蕭穎士博平鄭太守却之武陵丘為贈別李白

携新文詣張籍韓愈賈島喜陳懿老示新制衣二十餘篇朱晝

延康吟賈島

交友

審交孟郊

荅友問白居易

北極贈李觀韓愈

與羅異結史盧仝

規誨

示孟郊孟浩然自誠司空圖

誠貧釋子蘭

杏園却度上同年曹鄴

紀贈

讀張曲江詩釋皎然上河陽李大夫孟郊奉贈張荊州王昌齡

詠德上韋檢察歐陽參贈崔從事孟郊

散逸

漁父歌李頎

紫谿翁歌陸龜蒙秋醉歌張為

襄陽歌李白

散人歌陸龜蒙

貽張旭李頎

春日醉起言志李白

陝

戲作花柳歌杜甫

秦宮詩李賀

登覽

望廬山瀑布二首李白望山 西貢島登金陵鳳凰臺 李白

登黃鶴樓崔顥 登嶺望 許鼎 過華陰 王昌齡

早齋南樓張說 和早齋南樓 趙各職 奉陪登南樓 尹悉

春遊南亭韋應物 廬山謠寄盧侍御 李白南嶽謁司馬道士 張九齡

奉使登終南山王灣 終南山望餘雪詩 祖詠

勝興 桃源行劉禹錫 桃源行 王維 和登會稽山 孫逖

洪州祈雨是日輒應賦詩張九齡 寄贈宋十一 田遊巖

峇田徵君宋之問 龍門八詠 劉長卿宣城青谿二首 李白

崖口寄李適宋之問 峇宋土見贈 李通 和崖口五瀆 徐彦伯

初至崖口宋之問 山中作 顧况 輞口遇雨憶終南山 裴迪

峇裴迪王維 往南山下別業 薛據 夜歸鹿門歌 孟浩然

春泛若耶其母潛 荆山獨往 姚係 歸四明 胡幽貞

尋西山隱者不遇立為 仰峇韋司業垂訪五首 蕭穎士

物物食華鹿常飲清冷川但悅豐草美寧知牢饌鮮主人有幽意

將以充林泉索綯幸免傷蒙君復羈牽高堂列眾賓廣坐鳴清

絃俯仰轉故馬惕徘徊獨憂前緬懷雲巖路欲往無由緣物各有所

好違之傷自然 神龜在南國緬邈湘川陰遊止蓮葉上歲時嘉樹林毒蟲且不近片

斧何由尋錯落負奇文熒煌耀丹金山萬里餘淮海阻且深獨

保貞素質不為寒暑侵一逢盛明代應見通靈心

晉代有儒臣當年富辭藻立言寄青史將以贊王道際落緬歲時

辛勤歷江島且言風波倦探涉豈為寶不遇庾征西云誰展懷抱

士貧乏知已安得成所好

彭陽昔游說願謁南郢都王果尚未達况從夷節謨豈知晉叔譽

無罪嬰囚拘臨難俟解紛獨知祁大夫舉讎且不弃何必論親疎

夫子覺者也其能遺我乎

關西一公子年貌獨青春被褐來上京翳然聲未振中郎何為者

倒屣驚座賓詞賦豈不佳盛名亦相因為君奏此曲此曲多苦辛

千載不可誣孰言今無人

博平鄭太守自廬山千里相尋入江夏北市門見訪却之武陵立馬贈別  
李白

大梁貴公子氣蓋蒼梧雲若無三千客誰道信陵君救趙復存魏  
英威天下聞邯鄲能屈節博訪從毛薛夷門得隱淪而與侯生親  
仍要鼓刀者乃是袖鎚人好士不盡心何能保其身多君重然諾  
意氣遙相託五馬入市門金鞍照城郭都忘虎竹貴且與荷衣樂  
去去桃花源何時見歸軒相思終無極腸斷朗陵猿

携新文詣張籍韓愈途中成 賈島

袖有新成詩欲見張韓老青竹未生翼一步萬里道仰望青天  
雲雪壓我腦失却終南山惆悵滿懷抱安得西北風身願變蓬草地  
祇聞此語突出驚我倒

喜陳懿老自宛陵至示予新制衣三十餘篇 朱晝

一別一千日一日十二億苦心無閉時今夕見玉色玉色復何異  
紅明令君羣德有文如星宿飛入我骨髓憂愁方破懷權喜重補塞  
使我心貌全且非黃金力將攀下風手願假仙鸞留異予欲訪詩人

子孟郊故寄誠於章句

延康吟

賈島

寄居延壽里為與延康隣不愛延康里愛此里中人人非十年故  
人非九族親人有不朽語得之煙山春

宋黃文

子孟郊

種樹須擇地惡土變木根結交若失人中道生謗言君子芳桂性  
春濃寒更繁小人槿花心朝在夕不存莫躡冬冰堅中有潛浪翻  
唯當金石交可與賢達論

荅友問

白居易

大圭廉不割利劍用不缺當其斬馬時良玉不如鐵置鐵在洪鑪  
鐵銷易如雪良玉同其中三日燒不熱君疑才與德詠此知優劣

北極贈李觀

韓愈

北極有羈羽南溟有沈鱗川源浩浩隔影響兩無因風雲一朝會  
變化成一身誰言道里遠感激疾如神我年二十五求衣昧其人  
哀歌西京市乃與夫子親所向苟同趣賢愚豈異倫方為金石姿

萬世無緇磷無為兒女態憔悴賤貧

與馬異結交

盧仝

天地日月如等閑盧仝四十無往還唯有一片心脾胃骨嶮巖摧萃  
碑元鬱律刀劍為鋒鏑平地放著高如崑崙山天不容地不受日  
月不敢偷照耀神農畫八卦數盡破天心曾女媧伏犧婦恐天怒擣  
鍊五色石引日月之針五星之縷把天補補了三日不肯歸壻家  
走向日中放老鴟月裏栽桂養蝦蟇天公發怒化龍蛇此龍此蛇  
得死病神農合藥救死命天怪神農黨龍蛇罰神農為牛頭令  
載元氣車不知藥中有毒藥藥殺元氣夫不覺爾來天地不神聖  
日月之光無定正不知元氣元不死忽聞空中喚馬異馬異若不  
是祥瑞空中敢道不容易昨日全不同異自異是謂大同而小異  
今日全自同異不異是謂全不往兮異不至直當中兮動天地白  
玉璞裏斷出相思心黃金鑪裏鑄出相思淚忽聞空中崩崖倒谷  
聲絕勝明珠千萬斛買得西施南威一雙婢此婢嬌饒惱殺人疑  
脂為膚鼻翡翠裙唯解畫眉朱點唇自從獲得君敲金撻玉凌浮雲  
却返顧一雙婢子何足云平生結交苦少人憶君眼前如見君青  
雲欲開白日沒天眼不見此奇骨縱橫奇又奇千歲萬歲枯松枝  
半折半殘墜山谷盤根蹙節成蛟螭忽雷霹靂卒風暴雨不動  
欲動不動千變萬化揔是鱗皴皮此奇怪物不可欺盧仝見馬異  
文章酌得馬異心中事風姿骨木恰如此是不是寄一字

示孟郊

孟浩然

蔓草蔽極野蘭枝結孤根衆音何其繁伯牙獨不喧當待高深  
意舉世無能分鍾期一見知山水千秋聞爾其保靜節薄俗徒  
云云

自誠

司馬圖

我祖銘座右嘉謀詒厥孫勤此苟不怠今名日可存媒衞士所恥  
慈儉道所尊松栢豈不茂桃李亦自繁衆人皆察察而我獨昏昏  
取訓於老氏大辯欲訥言

誠貪

釋子蘭

多求待心足未足旋傾覆明知貪貪者心求榮不求辱

杏園即席上同年

曹鄴

歧路不在天十年行不至一旦公道開青雲在平地枕上數聲鼓  
衡門已如市白日探得珠不待驪龍睡念念出九衢僮僕顏色  
異故衣未及換尚有去年淚晴陽照花影落絮浮野翠對酒時  
忽驚猶疑夢中事自憐孤飛鳥得接鸞鳥鳳翅永懷共濟心莫  
起胡越意

讀張曲江詩集

釋皎然

相公乃天放人文佐生成立程正類靡繹思何縱橫春行弄絃綺  
陽林敷玉英飄然飛動姿觀矣高簡情後輩驚失步前脩敢爭  
衡始欣耳目遠再使幾慮清體止力已全理精識何妙昔年歌陽  
春徒推郢中調今朝聽鸞鳳豈獨蘇門嘯帝命鎮雄州詩流據  
上游才兼荆衡秀氣助瀟湘秋逸湧子山匹經奇文暢儔沈吟  
未終卷變態紛難數耀耳代明璫襲衣比芳杜悵悵聞王聲寤  
寐在靈府

上河陽李大夫

孟郊

上將秉神略至兵無血威三軍向嚴冬一撫勝重衣寒劍奪衆景  
夜星失長暉蒼鷹獨立時悲鳥不敢飛武牢鏖天關河橋紐地機  
大軍奚與安守此稱者稀貧士少顏色貴朝多輕肥試登山嶽高  
始見草木微山嶽恩既廣草木心皆歸

奉贈張荆州

王昌齡

祝融之峯紫雲銜翠如何其雪斬出邑西有路緣石壁我欲從之  
卧穹嵌魚有心兮脫網罟江無人兮鳴楓杉王君飛鳥仍未去蘇  
耽宅中意遥緘

詠德上韋檢察即韋相公弟也

歐陽詹

少華類太華太室似少室距相與丞相亦復無異質亭如月臨水  
肅若松照日輝影互光澄陰森兩葱鬱連枝鸞鳳下同氣龜龍出  
併力革夷心通籌整師律英豪瀨迴席鸞翳皆屈膝中外佇分途  
寰瀛待清謚

贈崔從事

古人留清風千載遙贈君破松見貞貞裂竹看直文殘月色不改

高賢德常新家懷詩書富宅抱草木貧安排一蹄泉未化千尺鱗  
合意永不語釣璜幽水濱

漁父歌

孟郊

白頭何老人蓑笠蔽其身避世常不仕釣漁清江濱浦沙明濯足  
山月靜垂綸寓宿湍與瀨行歌秋復春持竿湘岸竹爇火蘆洲薪  
淥水飯香稻青荷苞紫鱗於中還自樂所欲全吾真而笑獨醒者  
臨流多苦辛

紫谿翁過甫里先生舉酒相屬醉而歌曰

陸龜蒙

一丘之木其栖深也屋吾容不辱一谿之石其居平也席吾勞以  
息一竇之泉其音清也絃吾方在懸得乎人得乎天吾不知所以  
然而然先生弁而賡之曰采江之魚兮朝舩有鱸采江之蔬兮暮  
筐有蒲左圖且書右琴與壺壽欵天欵貴欵賤欵歌闕而去

秋醉歌

張爲

金風颭已起還是招漁翁携酒天姥岑自彈琴鳴榔松却登山履  
赤脚翹青筇泉聲掃殘暑猿臂攀長松翠微泛鐔綠芳巖分煙紅  
造化趣術內相對數壺空醉眠嶺上草不覺夜露濃一夢到天曉  
始覺一醉中皎然夢中路直到瀛洲東初平把我舟相與騎白龍  
三留對上帝上樓十二重上帝賜我酒送我歌金鑪寶鼎香斂菲  
琪樹寒玲瓏動葉如笙簧音律相怡融环重此一醉百散出天地  
長如此夢魂永謝名與利

襄陽歌

李白

落日欲沒峴山西倒著接籬花下迷襄陽小兒齊拍手攔街爭唱  
白銅鞮傍人借問笑何事笑殺山公醉似泥鸚鵡杓鸚鵡盃百年  
三萬六千日一日酒傾三百盃遙看漢水鴨頭綠恰似葡萄初醱  
醅此江若變作春酒壘麴便築糟丘臺金鞍駿馬喚小妾笑坐金鞍  
歌落梅車傍側掛一壺酒鳳笙龍管行相催咸陽市上數黃犬何  
如月下傾會稽君不見晉朝羊公一片石龜龍剝落生莓苔亦  
不能爲之墮心亦不能爲之哀清風明月不用一錢買玉山自倒  
非人推舒州杓力士鎗李白與爾同死生襄王雲雨今安在江水

東流夜夜聲

散人歌

陸龜蒙

江湖散人天骨奇短髮搖來蓬半垂手捉孤篁曳寒繭口誦太古  
 滄浪詞詞云太古萬萬古民性甚楚黯無風期夜棲正與禽獸雜  
 獨自構架縱橫枝因而稱曰有巢氏民共敬貴如君師當時只効  
 為鵲輩豈是有意陳尊卑無端後聖穿鑿破一派前導千流隨多  
 方惱亂元氣死日使父子生姦欺聖人事業轉消耗尚有漁者存  
 熙熙風波不獨因一士凡百器具皆能施良疎甚腐鱸鱖脫止失  
 檢馭無讒庇人間所謂好男子我見婦女留鬢眉奴顏婢膝真乞  
 丐反以正直為狂癡所以頭欲散不散弁我魏所以腰欲散不散  
 珮陸離行散在之適坐散從傾歌謔散空谷應笑散春容披衣散  
 單履便食散酸醜宜書散澆真草酒散甘醇醜室散任斜直樹散  
 行參差零散忘簪履散為龍池外物一以散中心散何疑不集  
 諸侯分邑里不與天子專隍陴靜則守桑柘亂則逃妻兒金鑪  
 帶未嘗識白刃殺我窮生為或聞蕃將負負澤號令鐵馬如風馳

大君年小丞相少當軸自請都旌旗神鋒悉出羽林仗繪畫日月  
 蟠龍螭太宗基業甚牢固小醜背叛當殲夷禁軍近自肅宗署御  
 邊輔國爭雄雌必然大段剪兇逆須召勁勇扶軍麾四方賊壘猶  
 占地死者暴骨生寒飢歸來輒擬荷鋤笠詎吏已責租錢遲興師  
 十萬一日費不啻千金何以支抵今利口且箕歛何暇俛首哀惻  
 發均荒補敗豈無術布在方策撐頽墮冰霜襦袴易反掌白面諸  
 郎殊不知江湖散人悲右道悠悠幸寄義皇傲官家未議活蒼生  
 拜賜江湖散人號

貽張旭

李頎

張公性嗜酒豁達無所營皓首窮草肄時稱太湖精露頂據胡牀  
 長叫三五聲興來灑素壁揮筆如流星下舍風蕭條寒草滿戶庭  
 問家何所有生事猶浮萍左手持蟹螯右手執丹經瞪目視霄漢  
 不知醉與醒諸賓且方坐旭日臨東城荷葉裏江魚白甌貯香粳  
 微祿心不泄放神於八紘時人不識者即是安期生

春日醉起言志

李白

處世若大夢胡為勞其生所以終日醉頽然目前極覺來眴庭前一鳥花間鳴借問此何時春風語流鶯感之欲歎息對酒還自傾浩歌待明月曲盡已忘情

戲作花卿歌

杜甫

成都猛將有花卿學語小兒知姓名用如快鶻風火生見賊唯多身始輕州副使者拓黃我卿掃除即日平子章觸腹血模糊手提擲還崔大夫李侯重有此節度人道我卿絕世無既稱絕世無天子何不喚取守京都

秦宮詩并序

李賀

秦宮漢將軍梁異之嬖奴也秦宮得寵內舍故以驕名大譟於人子撫舊而作辭似與馮子都之事相為對望又欲二其昔有之詩越羅夾衫迎春風玉刻麒麟腰帶紅樓頭曲宴仙人語帳底吹笙煙霧濃人閑酒暖春茫茫花枝入簾白日長飛窗複道傳籌飲半夜朦朧臘燭黃禿襟小袖調鸚鵡紫繡麻沙路魍虎斫桂燒金待曉遊白鹿清蘇夜來煮桐英永巷騎王馬內屋珍屏生色畫開門

望廬山瀑布泉二首

李白

西登香爐峯南見瀑布水挂流三百丈噴壑數千里歛如飛電來隱若白虹起初驚河漢落生灑雲天裏仰觀勢轉雄壯哉造化功海風吹不斷江月照還空空中亂濺射左右洗青壁飛珠散輕霞流沫沸穹石而我遊名山對之心益閑且諧宿所好永願辭人間日照香爐生紫煙遙看瀑布挂長川飛流直下三千尺疑是銀河落九天

望山

賈島

南山二十里不見踰一旬冒雨時立望望之如朋親虬龍一掬波洗蕩千萬春日雨不斷愁殺望山人天事不可長勁風來如奔陰淫一已掃浩翠寫國門長安百萬家家張屏新誰家最好山我願為其隣

登金陵鳳凰臺

李白

鳳凰臺上鳳凰遊，鳳去臺空江自流。吳時花草埋幽徑，晉國衣冠  
成古丘。三山半落青天外，二水中分白鹭洲。摠爲浮雲能蔽日，長  
安不見使人愁。

登黃鶴樓

崔顥

昔人已乘白雲去，茲地空餘黃鶴樓。黃鶴一去不復返，白雲千載  
空悠悠。晴川麗漢陽，樹草青青鸚鵡洲。日暮鄉關何處是，煙  
波江上使人愁。

登嶺望

許鼎

水淼淼，三江水悠悠。五嶺關，鴈飛猶不度。人去若爲還。

過華陰

王昌齡

雲起太華山，雲山五明滅。東峯始含景，了了見私雪。羈歎感幽接，  
宵映轉音絕。欣然忘所疲，永望吟不輟。信宿百餘里，出關玩新月。  
何意昨暄暄，遇物遂遷別。入生屢如此，何以肆愉悅。

早霽齊南樓

張說

山水佳，新霽登南樓。初旭夜來枝半紅，雨後洲全綠。四運相終始，

萬形紛代續。適臨青草湖，再變黃鸞島。曲地穴穿東，武江流下西。蜀  
歌聞在渚，漚舞見長沙。促心遠居無，陋神和生自足。白髮悲上春，  
知常謝先欲。

奉和早霽南樓

趙冬曦

閑曙躋南樓，凭軒四段矚。物華湯暄氣，春景媚晴旭。川霽湘山孤，  
林芳楚郊縹。列巖重疊翠，遠岸逶迤綠。風帆摩大垠，漁艇散灣曲。  
鴻歸鶴舞送，猿叫鶯新續。群動皆熙熙，噫予獨羈束。常欽才子義，  
忌鵬傷蹙踣。雅尚騷人文，懷沙何迫促。未知一賢意，去矣從所欲。

奉陪登南樓

尹恣

君子每垂眷，江山共流眄。水遠林外明，巖近霧中見。終日西北望，  
何處是涼縣。屢登高春臺，徒使淚如霰。

春遊南亭

韋應物

川明氣已變，巖寒雪尚擁。南亭草心綠，春塘泉脉動。景煦聽禽響，  
雨餘看柳重。道遙池館華，益愧專城寵。

廬山謠寄盧侍御虛舟

李白

我本楚狂人鳳歌笑孔立手持綠玉枝朝別黃鶴樓五嶽尋仙不  
辭遠一生好入名山遊廬山秀出南斗傍屏風九疊雲錦張影落  
明湖青黛光金闕前開二峯帳銀河倒瀉三石梁香爐瀑布遙相  
望迴崖沓嶂凌蒼蒼翠歎紅霞映朝日鳥飛不到吳天長登高壯  
觀天地間大江茫茫去不還黃雲萬里動風色白波九道海雪山  
好爲廬山謠興因廬山發閑窺石鏡清我心謝公行處蒼苔沒早  
服還丹無世情琴心三疊道初成遙見仙人綵雲裏手把芙蓉朝  
玉京先期汗漫九垓上願接盧敖遊太清

登南嶽事畢謁司馬道士

張九齡

將命祈靈獄迴策詣真士絕跡尋一遙異香聞數里分庭入桂樹  
肅容兩童子入室希把面登牀願啓齒誘我弃智詠迨茲長生理  
吸精反自然鍊藥求不死斯言眇霄漢顧予嬰紛滓相去九牛毛  
慙歎荷知己

秦使登終南山

王灣

常愛南山遊因而盡原隰數朝至林嶺百仞登鬼爨及石壯馬徑窮  
苔色步綠入物音春狀改氣遠天香集虛洞策杖鳴低雲拂衣濕  
倚巖見廬舍人戶欣拜揖問性矜勤勞示心教澄習玉英時共飲  
芝草爲余捨境絕人不行潭深鳥空立一乘從此受九轉兼是給  
辭處若輕飛憇來唯吐吸閑襟超已勝迴路倏而及煙色松上深  
水流山下急漸平逢車騎向晚睨城邑峯在野趣繁塵飄宦情緝  
辛苦久爲吏勞生何妄執日暮懷此山悠然賦斯什

終南山望餘雪作

祖詠

終南陰嶺秀積雪浮雲端林表明霽色城中增暮寒

桃源行

劉禹錫

漁舟何招招浮在武陵水拖綸擲餌信流去誤入桃源行數里清  
源尋盡化縣縣踏花覓逕至洞前洞門蒼暗煙霧生暗行數步逢  
虛明俗人毛骨驚仙子爭來致詞何至此須臾皆破冰雪顏笑言  
委曲問世間因嗟隱身來種玉不知人世如風燭筵羞石髓勸客  
餐燈爇松肪留客宿鷄聲犬聲遙相聞曉光恣龍開五雲漁人振  
衣起出戶滿庭無路花紛紛翻然恐失鄉縣處一息不肯桃源住

桃源滿溪水似鏡塵心如垢洗不去仙家一出尋無蹤至今流水  
山重重

桃源行時年十九

王維

漁舟逐水愛山春兩岸桃花夾古津坐看紅樹不知遠行盡青溪  
忽值入山口潛行始隈隩山開曠望旋平陸遙看一處攢雲樹近  
入千家散花竹樵客初傳漢姓名居人未改秦衣服居人共住武  
陵源還從物外起田園月明松下房櫳淨日出雲中雞犬喧鷲聞  
俗客爭來集競引還家問都邑平明闔巷掃花開薄暮漁樵乘水  
入初西避地去人間及至成仙去不還峽裏誰知有人事世中遙  
望空雲山不疑雲境難聞見塵心未盡思鄉縣出洞無論隔山水  
辭家終擬長游衍自謂經過舊不迷安知峯壑今來變常時只記  
入山深青溪幾度到雲林春來遍是桃花水不辨仙源何處尋

同前和登會稽山

孫逖

稽山碧湖上勢入東溟盡煙景畫清明九峯爭隱嶙望中厭朱綬  
浴內探玄牝野老聽鳴騶山童擁行軫仙花寒未落古蔓柔堪引  
竹澗入霜多松崖向天近雲從海人去日就江村隕能賦立嘗聞  
和歌參不敵真搜信冲漠多士期標準願奉濯纓心長謠反招  
隱

洪州西山祈雨是日輒應賦詩言事 張九齡

茲山蘊靈異走望良有歸立禱雖已久昨心難重違遲明申藻薦  
先夕旅巖扉獨宿雲峯下蕭條人吏稀我來不外適幽抱自中微  
靜入風泉奏涼生松栝圍窮年滯遠想寸晷閱清暉虛美悵無屬  
素情緘所依詭隨嫌弱操羈束謝貞肥義濟亦吾道誠存爲物祈  
贈荅弘農青巖曲有盤石可坐宋士每拂拭待余寄  
詩贈之云

田遊巖

信彼稱靈石居然狎道棲徘徊承翠巘斌駁帶深溪夕陰起層岫  
清景半虹蜺風來應嘯阮波渡可琴嵇僕之穎陽客望彼空思齊  
儻見山人至簪蒿且杖藜

敬荅田徵君

宋之問

家臨清溪水溪水繞盤石綠蘿四面垂裏裏有餘尺風泉度絃管

蒼鮮鋪茵席傳聞潁陽人霞外漱靈液忽在巖中翰吟卧朝復夕  
何當遂遠遊物色候逋客

龍門八詠

關口

劉長卿

秋山向搖落秋水急波灑獨見魚龍氣長令煙雨寒誰窮造化力  
空向兩崖看

水西渡

伊水搖鏡光纖鱗如不隔千龕道旁古鳥沙上白何事還山雲  
能留向城客

水東渡

山葉傍崖赤千峯秋色多夜泉發清響寒渚生微波稍見沙月上  
歸人爭渡河

福公塔

寂寞對伊水經行長未還東流自朝暮千載空雲山誰見白鷗鳥  
無心洲渚間

遠公龕

松路向精舍花龕歸老僧閑雲揚錫杖落日低金繩入夜翠微  
千峯明一燈

石樓

隱隱見花閣隔河映青林水田秋鴈下山寺夜鍾深寂寞羣動息  
風泉清道心

渡水

日暮下山來千山暮鍾發不如波上棹還弄山中月伊水連白雲  
東南遠明滅

下山

誰識往來意孤雲長自閑風寒未渡水日暮更看山木落衆峯白  
龍宮蒼翠間

宣城青谿二首

李白

清谿清我心水色異諸水借問新安江見底何如此人行明鏡中  
鳥度屏風裏向曉猩猩啼空悲遠遊子

青谿勝桐廬水木有佳色山自高古石谷天傾側綵鳥昔未名

白猿初相識不見同懷人對之空歎息

入崖口五渡寄李適

宋之問

抱琴登絕巖  
戕木沂清川  
路極意謂盡  
勢迴趣轉絳  
人遠草木秀  
山深雲景鮮  
余負海嶽情  
自昔微尚然  
彌曠十餘載  
今來宛仍全  
未窺仙源極  
獨進野人舫  
時攀乳竇憩  
屢薄天窓眠  
夜絃響松  
月朝戢弄苔  
泉因真象外  
理永謝區中  
緣碧潭可遺  
老丹砂堪  
學仙莫使馳  
光暮空令歸  
鶴憐

答宋十一山崖口五渡見贈

李適

聞君訪遠山  
濟險造幽絕  
眇然青雲境  
觀竒彌年月  
登嶺亦派谿  
孤舟事泛越  
峭嶂傳彩翠  
崖磴互欹缺  
石林上攢叢  
金澗下明滅  
擘壁窺丹井  
梯苔瞰乳穴  
忽在巖中贈  
對說未嘗輟  
殷勤獨往事  
委曲鍊藥說  
邀余名山期  
從爾泛海滋  
歲晏策宿心  
斯言張匪設

和崖口五渡

徐彦伯

聞有獨往客  
拂衣捐世心  
結竹薄柱渚  
撰念繁舊林  
經言去崖合  
真經歸空深  
巖樹環碧彩  
金潭生雲陰  
回公筆沙榜  
詭灰眺明岑  
夕聞桂裏猿  
曉翫松上禽  
雜珮蘊孤神  
瓊敷綴雙衿  
我懷滄洲想  
欷爾白雲吟  
秉願理方叶  
存期跡易尋  
茲言庶不負  
為報巖中琴

初至山崖口

宋之問

崖口衆山斷  
嶽峯登天壁  
氣衡落日紅  
影入春潭碧  
錦繡織苔蘚  
丹青畫松石  
水禽泛空谷  
與巖花飛的  
繖微路從此  
深我來限于  
役惆悵情未已  
羣峯黯將夕

山中作

顧況

野人愛向山中宿  
況在葛洪丹井西  
庭前有箇長松樹  
夜半子規來上啼

輞口遇雨憶終南山

裴迪

積雨晦空曲  
平沙滅浮彩  
輞水去悠悠  
南山復何在

答裴迪

王維

森森寒流廣  
蒼蒼暮秋雨  
晦君問終南山  
心向白雲外

出青門往南山下別業

薛據

舊居在南山  
夙駕自城闕  
榛莽相蔽虧  
去爾漸超忽  
散漫餘雪晴

蒼茫季冬月寒風吹長林白日原上沒懷抱曠早申相知阻胡越  
弱年好棲隱鍊藥在巖窟及此離垢氛興來亦因物末路期赤松  
斯言庶不伐

夜歸鹿門歌

孟浩然

山寺鳴鐘晝已昏魚梁渡頭爭渡喧人隨沙道向江村子亦乘舟  
歸鹿門鹿門煙月照中樹忽到龐公栖隱處巖扉松徑長寂寥唯  
有幽人外來去

春泛若耶

綦毋潛

幽意無斷絕此去隨所偶晚風吹行舟花路入谿口際夜轉西壑  
隔山望南斗潭煙飛溶溶林月低向後生事且彌漫願為持竿叟

荆山獨往

姚係

宿昔山水上抱琴聊躑躅山遠去難窮琴悲多斷續品重丹陽樹  
泉咽聞陰谷時下白雲中滄留秋水曲秋水石欄深滄滄如噴玉  
雜芳被陰岸露方滋綠恣此平生懷獨遊還自足

歸四明

胡幽貞

海色連四明仙舟去容易天籍豈輒問不是卑朝士

尋西山隱者不遇

丘為

絕頂一茅茨直上三十里扣關無僮僕窺室唯按尺若非巾柴車  
應是釣秋水羌池不相見僮僂空仰止草色新雨中松聲晚窗裏  
及茲契幽絕目足湯心耳雖無賓主意頗得清淨理興盡方下山  
何必待之子

文粹卷第十六之下

古調

摠四十四首

吳興姚

鉉

纂

幽君百文谿新理茅茨讀書闕防家叔徵君東谿草堂二首盧象

寒食陸渾別業諫之題東谿公幽居李昌宿裴有書齋李觀

訓暉上人見贈諫子贈宣州二處杜牧東谿玩月王昌齡

即事寄舍弟姪岑參長安秋戎昱貽池陽谷口元贊善王維

山君宿裴氏山莊王昌齡山中作沈千運入山寄城中故人王維

獨遊王昌齡過張邠郵莊姚合宿王昌齡隱居常建

訪陸羽處士釋皎然初春王績留贈宇文中丞暢當

村居沈亞之贈劉監田王維退居孟郊

謂川田家王維憫農李紳石壕吏杜甫

傷歡秦中吟十首白居易田家詞元稹傷田家聶夷中

辛苦吟于濶采玉行韋應物茶山作袁高野老歌張籍

野行姚合

百文新理茅茨讀書

關防

浪迹弃人世還山自幽獨始匪巢由蹤吾其獲心曲荒庭何所有  
老樹半空腹秋蛩鳴北林暮鳥穿我屋栖遲樂遵渚恬曠寡所欲  
開卦推盈虛散帙攻節目養閑度人事達命知止足不學東國儒  
俟時勞伐輻

家叔徵君東谿草堂二首

盧象

關山十餘里青壁森相倚欲識堯時天東谿白雲真是雷聲轉幽壑  
雲氣香流水澗影生蟲蛇巖端翳杞梓大道終不易君恩曷能已  
鶴羨無老時龜言攝生理浮年笑六甲元化潛一指未暇掃雲  
梯空慙阮家子

今朝共遊者得性閑未歸已到仙人家莫驚鷗鳥飛水深巖公釣  
松挂巢父衣雲氣轉幽寂谿流無是非名理未足羨腥臊詎所稀  
自惟負負意何歲當食薇

寒食陸渾別業

宋之問

洛陽城裏花如雪陸渾山中今始發日別河橋楊柳風文卧伊川  
桃李月伊川桃李正芳新寒食山中酒復春野老不知堯舜力醉  
歌一曲太平人

題東谿公幽居

李白

杜陵賢人清且廉東谿卜築歲將淹宅近青山同謝朓門垂瓊柳  
似陶潛好鳥迎春歌後院飛花送酒舞前簷客到但知留一醉盤  
中只有水精鹽

宿裴有書齋示

李觀

卧君山窓下山鳥與我言清風何颼颼松栢中夜繁夕遊失歸趣  
宿此似故園林煙橫近郊谿月落古原稚子不待曉花間出柴門  
訓暉上人夏日林泉見贈

陳子昂

聞道白雲居空窈窕青蓮宇巖泉萬丈流樹石千年古林卧對軒  
窺山陰滿庭芳釋塵中事從君龍衣蘭杜

贈宣州元處士

杜牧

陵陽北郭隱身世兩忘者蓬蒿三畝居宵於一天下罇酒對不酌  
默與玄相話人生自不足愛嘆漕逢寡

東谿玩月

王日昌

月從斷山口遙吐柴門端萬木紛空靈  
流陰中夜攢光連虛象白氣與風露寒  
谷靜秋泉響巖深青嶺澗入幽夢影破  
抱空靈恍忽琴窸重松必疑曉思難

太白東谿張老舍即事寄舍弟姪等

岑參

渭上秋雨過北風暮騷騷天晴諸山出  
太白峯最高主人東谿老兩耳生長毫  
遠近知百歲子孫皆二毛中庭并欄上  
一架獼猴挑石泉飯香秣酒美開新糟  
愛茲田中趣始悟七上勞我行有勝事  
書此寄爾曹

長安秋夕

戎昱

八月更漏長愁人起常早閉門寂無事  
滿地生秋草昨宵西窗夢先入荆門道  
遠客歸去來在家貧亦好

貽池陽谷口元九兼善

李端

入谷逢君來秋泉已難涉松間人獨坐  
月下山相接重露濕蒼苔

宿裴氏山莊

王昌齡

蒼蒼竹林暮吾亦知所投靜坐山齊月  
清谿聞遠流西峯下微雨向晚白雲收  
遂解塵中組終南春可遊

山中作

沈千運

棲隱別無事所願早離塵不辭城邑遊  
禮樂拘束人邇來歸山林庶事皆吾身  
何者為形骸誰是智與仁寂寞了閑事  
然後知天真咳唾驚榮華迂俯相屈伸  
如何巢與由天子不得臣

入山寄城中故人

王維

中歲頗好道晚家南山垂興來每獨往  
勝事空自知行到水窮處坐看雲起時  
偶然值林叟談笑無迴期

獨遊

王昌齡

林卧情每閑獨遊景常晏時從灑陵下  
垂釣往南澗手携雙白魚目送工車鴉  
悟彼飛有適知此罹憂患放之清冷泉  
因得省踈慢永惟青史愛通首白雲間  
神超物無違豈繫名與宦

過張邨郵莊

姚合

客行長似病煩熱攻四支到君讀書堂忽若逢良醫堂前水交流  
堂下樹交枝兩門延風涼洗我各濁肌與子還往熟行坐恣所宜  
時時相獻酬文字當酒后野飯具藜藿永日亦不飢苟食非其所  
膾炙為藜藜時清士人閑耕者唯文詞豈獨鄉里薦當取四海知

宿王昌齡隱居

常建

青溪深不測隱處唯孤雲松際露微月清光猶為君茅亭宿花鳥  
藥院滋苔紋余亦謝時去西山鸞鶴羣

訪陸羽處士

釋皎然

太湖東西路吳王古山前所思不可見歸鴈自翩翩何山賞春茗  
何處弄春泉莫是滄浪子悠悠一釣船

初春

王績

前日出園遊林華都未有今朝下堂望池水開已久雲從南軒梅  
風催北庭柳遥呼竈前妾却報機中婦年光恰恰來滿壺應管春酒

南充謝郡客遊澧州留贈宇文丞

楊當

美本漢落人序當州郡使量方頗及早謝歸今即已蕭蕭若凌虛徐  
帶頓銷車服率然來洛陽作遊子鬱鬱寡所開頭默獨行李忽

逢平生友一笑方在此秋情寧風日楚思浩雲水為語弋林者冥  
冥鴻遠矣

村居

沈亞之

無樹巢宿鳥無酒共客醉月上蟬韻殘梧桐陰繞地獨出村舍門  
吟劇微風起蕭蕭蕭蕭秋叢叫嘯如山鬼應緣我憔悴為我哭秋思

贈劉藍田

王維

籬間犬迎吠出屋候荆扉歲晏斡稅山村人夜歸晚田始家熟  
餘亦成我衣詎肯無公事煩君問是非

退居

孟郊

退身何食可敗力不得閑種稻耕白水負薪斫青山眾聽喜邑唱  
獨醒愁楚顏日暮靜歸時幽幽扣松關

渭川田家

王維

斜光照墟落深巷牛羊歸野老念牧童倚杖候荆扉雉雊麥苗秀  
簞載桑葉稀田夫荷鋤至相見語依依羨此良閑逸悵然歎式微

秦中吟十首并序

白居易

貞元元和之際予在長安聞見之間有足悲者因直歌其事命為秦中吟

議婚

天下無正聲悅耳即為娛人間無正色悅目即為姝聲色非相遠貧富則有殊貧為時所弃富為時所趨紅樓富家女金縷繡羅襦見人不斂手嬌癡二八初母兄未開口已嫁不須更綠窓貧家女寂寞二十餘荆釵不直錢衣上無真珠幾迴人欲聘臨日又踟躕主人會良媒置酒滿玉壺四座且勿飲聽我歌兩途富家女易嫁嫁早輕其夫貧家女難嫁嫁晚孝於姑聞君欲娶婦娶婦意何如

重賦

厚地積黍麻所要濟生民生民理布帛所求活一身身外充征賦上以奉君親國家定兩稅本意在憂人厥初防其淫明救內外臣稅外加一物皆以枉法論奈何歲月久貧吏得因循後我以求糶斂索無冬春織絹未成匹綠絲未盈斤里胥迫我納不許暫逡巡上感暑天地閉陰風生破村夜深煙火滅霰散雪落紛紛幼者形不蔽老者體無溫悲喘與寒氣併入鼻頭辛昨日輸殘稅因窺官庫門繒帛如山積絲絮似雲屯號為羨餘物隨月獻至尊奪我身上暖買爾眼前恩進入瓊林庫歲久化為塵

傷宅

誰家起甲第朱門大道邊豐臺中櫛比高墉外迴環巖巖六七堂棟宇相勾連一堂費百萬鬱鬱起青煙洞房溫且清寒暑不能干高堂虛且迴坐卧見南山繞廊紫藤架夾砌紅藥欄攀枝摘櫻桃帶花移牡丹主人此中坐十載為大官厨有臭敗肉庫有朽貫錢誰能將我語問爾骨肉間豈無貧賤者忍不救飢寒如何奉一身直欲保千年不見馬家宅今作鳳城園

傷友

陋巷孤寒士出門苦柶柶雖云志氣在豈免顏色低平生同門友通籍在金闈曩昔膝涼契適來雲雨際正逢下朝歸軒騎五門西是時天久陰三日雨凄凄寒驢避路立肥馬當風嘶迴頭忘相識占

上沙堤昔年洛陽社貧賤相提携今日長安道對面隔雲泥近  
日多如此非君獨慘悽死生不變者唯聞任與黎

不致仕

七十而致仕禮法有明文何乃貪榮者斯言如不聞可憐八九十  
齒隨難解晨朝露貪名利夕陽憂子孫挂冠顧妻綏懸車惜朱輪  
金章腰不勝偏僕入公門誰不愛富貴誰不戀君因年高須告老  
名遂合退身少時共嗤訕晚歲多因循賢哉漢二疎彼獨是何人  
寂寞東門路無人繼去塵

立碑

勲德既下衰文章亦陵夷但見山中石刻作路傍碑銘勲悉太公  
敘德皆仲尼復以多為貴卒言直萬貫為文彼何人想見下筆時  
但欲愚者悅不思賢者嗤豈獨賢者嗤仍傳後代疑古石蒼苔字  
安知是愧辭我聞望江縣勅令撫恤撫恤之名在官有仁政名不  
聞京師身歿欲歸葬百姓遮路歧信陵攀轅不得去留葬此江濱至今  
道其名男女涕皆垂無人立碑得唯有邑人知

輕肥

音氣驕滿路鞍馬光照塵借問何為者人稱是內臣朱紱皆大夫  
紫綬或將軍誇赴軍中宴走馬去如雲罽罽溢九醞水陸羅八珍  
果擘洞庭橘鱸切天池鱗食飽色自若酒酣氣益振是歲江南旱  
衢州人食人

五弦

清歌且罷唱紅袂亦停舞趙叟抱五弦宛轉當曾撫大聲粗韻若  
散颯颯風和雨小聲細欲絕切切鬼神語又如鵲報喜轉作啼猿  
若十拍無定音顛倒宮徵羽坐客聞此聲形神若無主行客聞此  
聲駐足不能舉嗟嗟俗人耳好今不好古所以北窓琴日日生塵  
士

歌舞

秦城歲暮春大雪滿皇州雪中朝退者朱紫盡公侯貴有風雲興  
富無飢寒憂所營唯第宅所務在追遊朱輪車馬客紅燭歌舞樓  
歡酣促密座醉煖脫重裘秋官為主人廷尉居上頭日中一為樂

夜半不能休豈知閔鄉獄中有凍死囚

買花

帝城春欲暮道道車馬度共道牡丹時相隨買花去貴賤無常價  
酬直看花數灼灼十朵紅戈戈五束素上張幕屋庇旁織筥籬護  
水灑復泥封移來色如故家家習為俗人人迷不悟有一田舍翁  
偶來買花處低頭獨長歎此歎無人諭一叢深色花十戶中人賦

閩農二首

李紳

春種一粒粟秋收萬顆子四海無閑田農夫猶餓死  
鋤禾日當午汗滴禾下土誰知盤中飡粒粒皆辛苦

石壕吏

杜甫

暮投石壕村有吏夜捉人老翁踰牆走老婦出門看吏呼一何怒  
婦啼何苦聽婦前致詞三男鄴城戍一男附書至二男新戰死在  
者且偷生死者長已矣室中更無人所有乳下孫有孫母未去出  
更無完裙老嫗力雖衰請從吏夜歸急應河陽役猶得備晨炊夜  
久語聲絕如聞泣幽咽天明登前途獨與老翁別

辛苦吟

于濇

壠上扶犁兒手種履長飢窶下擲梭女手織身無衣我願燕趙姝化  
為嫫母姿笑不直錢自然家國肥

田家詞

元稹

牛吒吒疇角田确确旱塊敲牛蹄趵趵種得官倉珠顆穀六十  
年來兵簇簇月月倉糧車轉轉一日官軍收海服驅牛駕車食羊  
肉歸來收得牛兩角重鑄鋏犁作斤斲姑春婦擔輸促促輸官不  
足歸賣屋賣農死有兒牛有犢不遺官軍糧不足

傷田家

聶夷中

二月賣新絲五月糶秋穀曾得眼前瘡剜却心頭肉我願君王心  
化作光明燭不照綺羅筵徧照逃亡屋

采玉行

韋應物

官府徵白丁言采藍溪玉絕嶺夜無人深榛雨中宿獨婦餉糧還  
哀哀舍南哭

茶山作

袁高

禹貢通遠俗所圖在安人后王失其本職吏不敢陳亦有姦佞者  
因茲欲求伸動生千金費日使萬姓貧我來顧渚源得與茶事親  
忙輟耕農米採採實苦辛一夫且當役盡室皆同臻捫葛上歌壁  
蓬頭入荒榛終朝不盈掬手足皆皴鱗悲嗟遍空山草木爲不春  
陰嶺芽未吐使者牒已頻心爭造化力先走鋌塵均選納無晝夜  
擣聲昏繼晨衆工何枯槁俯視彌傷神皇帝尚巡狩東郊路多堙  
周迴遶天涯所獻逾艱勤況減兵革困量茲固疲民未知供御餘  
誰合分此珍顧省忝邦守又慙復因循茫茫滄海閒丹價何由由

野老歌

張籍

老翁家貧在山住耕種山田三四畝苗踈稅多不得食輸入官倉  
化爲土歲暮鋤犁倚空室呼兒登山收橡實西江賈客珠百斛船  
中養大長食肉

野行

姚合

客行野田間比屋皆閉戶借問屋中人盡去作商賈官家不稅商  
稅農服作苦居人競東西道路侵難畝採玉上山顛探珠入水府  
邊食衣索衣食此物同泥土古來一人耕三人食猶飢如今千萬家  
無一把鋤犁我倉常空虛我田生蒺藜上天不雨粟何由活蒸  
藜

鉉

纂

寺觀始除尚書郎別善福精舍

韋應物

吳興姚

寄閣防

劉昫虛

題鶴林寺

薛據

題破山寺後禪院

常建

琅邪山寺

韋應物

簡寂觀西澗瀑布下作

韋應物

五老峯大明觀瞻隱者姚係

石門墨山二山相連有禪堂道觀天下絕境

張說

題思禪寺上方

獨孤及

仙遊寺有龍潭穴弄玉祠李華

遊棲霞寺

顧况

廟社四皓廟

元稹

魚山神女歌辭二首

王維

右社

元稹

邊塞虜患

張陵

代北州老翁答

張謂

遼西

崔顥

圖畫王處士草堂壁畫衡霍諸山

劉長卿

題劉相公三湘圖

郎士元

觀于舍人壁畫山水

王季友

題遊上人院壁畫古松歌

朱灣

畫竹歌

白居易

觀李湊畫美人障子

劉長卿

古器物 石鼓歌 韓愈 古劍歌 郭元振 磨鏡篇 劉禹錫

贈友人古鏡 朱晝

團扇歌 劉禹錫

樂器 彈琴 劉希融

江上琴 與常建

聽蜀僧彈琴 李白

奉和張舍人閣中直夜思聞雅琴因書事

聽彈風入松 贈楊補闕 王昌齡 金陵聽韓侍御吹笛 李白

武昌老人說笛歌 劉禹錫

草木

題老張松樹 宋之問

古柏行 杜甫

與東方左史脩竹篇 陳子昂 種竹 元稹 竹逕偶作 崔德輿

露青竹枝歌 顧況 自有題道邊樹 王載 井上桐 陸龜蒙

石上藤 史系

兔絲 元稹

春草謠 顧況

禽鳥

王兵馬使二角鷹 杜甫

觀放白鷹 李白

飛鷹操 劉禹錫

百舌吟 劉禹錫

鸚鵡詞 蘇郁

鴛鴦篇 陳子昂

子規啼 韋應物

鴉鳴吟 劉禹錫

春蟬 元稹

江上蚊子 韋應物

道路 戲題 關門 岑參 明前路 陸龜蒙

始除尚書郎別善福精舍

韋應物

簡略非世器 委身同草木 逍遙精舍居 飲水自為足 系日曾一櫛

對書常懶讀 往臘會高年 山川恣遊曠 明世方選士 中朝懸美祿

除書忽到門 冠帶便拘束 愧忝郎署 亦讓家君子 錄府仰垂華纓

飄飄翔輕轂 行將親愛別 戀此西澗曲 遠峯明夕川 夏雨生眾綠

迅風飄野路 回首不遑宿 明晨下煙闕 白雲在幽谷

寄開防

時在終南山豐德寺讀書

劉昫虛

青嶼南山色 君與緇錫鄰 深路入古寺 亂花隨暮春 紛紛對寂寞

往往落衣巾 松色空照水 經聲時有人 晚心復南望 山遠情獨親

應以脩往業 亦唯立此身 深林度空夜 煙月資清真 莫歎文明日

彌年從隱淪

題鶴林寺

薛據

道門隱形勝 向背臨法橋 松覆山殿冷 花藏溪路遙 珊珊寶幡挂

皎皎明燈燒 暎日半空谷 春風連上潮 少憑水木興 暫忝身心調

願謝攜巾手 空茲山禪侶 饒

題破山寺後禪院

常建

清晨入古寺初日明高林竹徑通幽處禪房花木深山光悅鳥性潭影空人心萬籟此都寂但餘鍾磬音

琅邪山寺

韋應物

受命血人隱茲遊久未逞鳴騶響幽澗前旌耀崇岡青冥臺初寒綠縹草木香墳壑躋花界疊石構雲房經制隨巖轉繚繞豈定方新泉洩陰壁高蘿葳綠塘攀林一棲止飲水得清涼還歸坐郡閣但見山蒼蒼

簡寂觀西澗瀑布下作

淙流絕壁散靈煙翠澗深巖際松風起飄飄灑灑塵襟窺羅翫猿鳥解組傲雲林茶果邀真侶觴酌洽同心曠歲懷茲賞行春始重尋聊將橫吹曲一寫山水音

五老峯大明觀贈隱者

姚係

雲觀此山北與君攜手稀林端涉橫水洞口入斜暉乍覺鸞鶴忽為煙霞飛故人清和客默會琴心微丹術幸可授青龍當未歸

悠悠平生生意此日復相違

石門墨山山相連有禪堂道觀天下絕境

張說

茵輪江上山近在華容縣常陟巴丘首天晴遙可見佳遊屢前諾芳月恣幽眷及此符守移歡言臨道便既携賞心客復有送行掾竹徑入陰窅松崖上空蒼草共林一色雲與峯萬變探窺石門斷緣越沙澗轉兩山勢爭雄峯巘相顧眄藥妙靈平山寶境華巖壑選清都西淵絕金地東敞宴池果接園畦風煙邇臺殿高尋去石頂曠覽天宇徧千山紛瀟目百川豁對面綺來雲氣迎人去鳥聲戀長揖桃源上舉世同企羨

題思禪寺上方

獨孤及

谿口聞法鼓椽撓登翠屏攀雲到金界合掌開禪扃鬱律衆山抱空濛花雨零老僧指香樓云是不死亭眇眇千越路茫茫春草青遠山噴百谷繚繞馳東溟目極想何在境照心亦冥驕然諸根空破結如破甌下視三界狹但聞五濁腥山中有良藥吾欲墮夫形

仙遊寺有龍潭穴弄玉祠

李華

捨事入樵徑雲木深谷口萬壑移晦明千峯轉前後巖然龍潭上  
石勢若奔走開坼秋天光崩騰夏雷吼靈谿自茲去行直互紛糾  
聽聲靜復喧望色無更有真真翠微下高殿映杉柳滴滴洞穴中  
懸泉響相扣昔時秦王文羽化年代久日暮松風來簫聲生左右  
早窺神仙錄願結芝木交安得羨門方青囊繫吾肘

聽子規

顧况

棲霞山中子規鳥口邊血出啼不了山僧後夜初定聞似不聞  
山月曉

四皓廟

元稹

巢由昔避世堯舜不得臣伊呂雖急病湯武乃可君四賢胡為者  
千載名氣益顯晦有遺跡前後疑不倫秦政虐天下黷武窮生民  
諸侯戰心死壯士眉亦顰張良韓馮子推碎屬車輪遂令英雄意  
日夜思報秦先生相將去不復嬰世塵雲卷在孤岫龍潛為小鱗  
秦皇轉無道諫者鼎鑊親茅焦脫衣諫先生無一言趙高殺二世  
先生如不聞劉項取天下先生遊白雲海內八年戰先生全一身

漢業日已定先生名亦振不得為濟世宜哉為隱論如何一朝起  
屈作儲貳實安存孝惠帝摧頽戚夫人捨大以謀細虬盤而雙伸  
惠皇竟不嗣呂氏禍有因雖懷安劉志未若周幽陳皆落子房術  
先生道何屯出處貴明白故吾今有云

魚山神女歌辭二首

王維

迎神

坎坎擊鼓魚山之下吹洞簫望極浦女巫進紛纒舞陳瑶席湛清  
醑風淒淒兮夜雨神之來兮不來使我心兮苦復苦

送神

紛進拜兮堂前日眷眷兮瓊筵來不語兮意不傳作暮雨兮愁空  
山悲急兮管絃繁絃靈之駕兮儼欲旋倏雲收兮雨歇山青青兮水  
瀟瀟

古社

元稹

古社基址在人散社不神唯有空心樹妖狐藏魅人狐惑意顛倒  
臊腥不化聞立墻變城郭花草仍荆榛良田千萬頃占作天荒田

主人議艾斫怪見不敢前那言空山燒夜隨風馬奔飛聲鼓擊  
高燭旗幟翻逡巡荆棘盡孤兔無子孫孤死魅人醒煙消壇墀存  
繞壇舊田地給授有等倫農收村落盛社樹新團圓社公千萬歲  
永保村中民

虜患

張陵

今日漢家探使迴蟻壘胡兵來未歇春風渭水不敢流愁作六軍  
心上血

代北州老翁答

張謂

負新老翁住北州北望鄉關生客愁自言老翁有三子兩人已向  
黃沙死如今小男新長成明年聞道更徵兵定知此別必零落不  
及相隨高死盡將田宅借鄰住後後傳去鄉在生未求多子孫及有誰知更辛  
苦近傳天子尊武臣強兵直欲靜胡塵安邊自有長策何必流離中國人

遼西

崔顥

燕郊芳歲晚殘雪凍邊城四月春草合遼陽春水生胡人正牧馬  
漢將日徵兵露重寶刀濕沙虛金鼓鳴寒衣著已盡春服誰與成

寄許洛陽使為傅邊塞情

王處士草堂壁畫衡霍諸山

劉長卿

愛此衡霍近卷簾如可攀能令堂上客見盡湘南山青翠千萬狀  
飛來方丈間歸雲無處滅去鳥何時還勝事日相對主人常獨閑  
清陰滿四壁佳氣生重關頗與宿心會看看慰愁顏

題劉相公三湘圖

郎士元

昔別醉衡霍爾來憶南州今朝平津邸兼得瀟湘遊稍辨荆門樹  
依然芳杜洲微明三巴峽咫尺萬里流去鳥不知倦遠帆生暮愁  
淞陽拍天未北渚空悠悠枕上見漁父座中常伸鷗誰言魏闕下  
自有東山幽

觀于舍人壁畫山水

王季友

野人宿在人家少朝見此山謂山曉半壁仍樓嶺上雲開簾放出  
湖中鳥獨立長松是阿誰再三招手起來遲于公大笑向予說小  
弟丹青能爾為

題遊上人院壁畫古松歌

朱繼

石上盤古依謂言天生朽安知草木性變在畫師手陰深方丈間  
真趣幽且閑木文離披勢挫粹中裂空心火燒出掃成三寸五寸  
枝便作千年万年物莓苔濃淡意不同一半死反藏靈蟻風霜未  
必來到此氣色香似寒山中孤標可翫不可取能使支公道場古

畫竹歌 并序

白居易

協律郎蕭洵善畫竹舉世無倫蕭亦甚自祕重有終歲求其一竿  
一枝而不得者知予天與好事忽寫二十五竿惠然見投予厚其  
意高其藝無以答賦作歌以報之凡一百八十六言歌曰

植物之中竹難寫古今雖畫無似者蕭郎下筆獨逼真丹青已來  
唯一人人畫竹身肥體腫蕭蕭畫葉瘦節節疎畫竹梢死羸垂蕭  
畫枝活葉葉動不根而生從意生不苟而成由筆成野塘水邊倚  
岸側森森兩叢十五莖嬋娟不失筠粉態蕭蕭盡得風煙情與頭  
忽見不似畫低耳靜聽疑有聲畫叢生莖勁而健省向天竺寺前  
石上見東叢八莖疎且寒憶曾湘妃廟裏雨中看幽姿遠逸思不久  
別與君相顧空長歎蕭蕭畫竹老可惜手戰眼昏頭雲色自言便

是絕筆時從今此竹尤難得

觀李湊畫美人障子

劉長卿

愛爾含吳資丹青有殊智無間已得象象外更生意西子木可見  
千秋無重還空憐沈紗態猶在含毫間一笑豈易得雙蛾如有情  
牕風不舉袖但覺羅衣輕華堂翠幕春風來內閣金屏曙色開此  
中一見亂人目祇疑行到雲陽臺

石鼓歌

韓愈

張生手持石鼓文勸我試作石鼓歌少陵無人謫仙死才薄將奈  
石鼓何周綱陵遲四海沸宣王憤起揮天戈大開明堂受朝賀諸  
侯劔珮鳴相磨蒐于岐陽騁雄後萬里禽獸皆庶羅鐫功勒成告  
萬世鑿石作鼓隳嵯峨從臣才藝咸第一揀選撰刻留山阿雨淋  
日炙野火燎鬼物守護煩搗訶公從何處得紙本毫髮盡備無差  
訛詞嚴義密請難曉字體不類隸與蝌年深豈免有缺畫快劍斫  
斷生蛟鼉鸞翔鳳者翬衆仙下珊瑚碧樹交枝柯金繩鐵索鎖紐壯  
古鼎躍水騰龍梭陋儒編詩不收入二雅褊迫無委蛇孔子西行

不到秦檜撥星宿遺義娥嗟予好古生苦晚對此涕淚雙滂沱憶昔初蒙博士徵其年始改稱元和故人從軍在右輔為我量度搗臼科濯冠沐浴生祭酒如此至寶存豈多甌包席裏可立致十鼓抵載數駱駝薦諸太廟比部鼎光價豈止百倍過聖恩若許留太學諸生講解得切磋觀經鴻都尚填咽坐見舉國來奔波劍苔剔辭露節角安置受貼平不頗大復深筭與蓋覆經歷又遠期無他中朝大官老於事詎肯感激徒煩阿牧童敲火牛礪角誰復著手為摩挲山自消月鑠就理沒六年西鶴吟哦義之俗書赴姿媚數紙尚可博白鵝繼周八代爭戰罷無人收拾理則那方今太平日無事柄任儒術崇丘軻安能以此上論列願借辨口如懸河石鼓之歌止於此嗚呼吾意其蹉跎

古劍歌

郭元振

君不見昆吾鐵冶飛炎煙紅光紫氣俱赫然良工鍛鍊凡幾年鑄得寶劍名龍泉龍泉顏色如霜雪良工嗟咨歎奇絕瑠璃玉匣吐蓮花錯鏤金環生明月正逢天下無風塵幸得用防君子身精此鑄

黯青蛇色文章片片綠龜鱗非直結交遊俠子亦曾親近英雄人何言中路遭棄捐零落飄淪古獄邊雖復沉埋無所用猶能夜夜氣衝天

摩挲鏡篇

劉禹錫

流塵翳明鏡歲久看如漆門前負局生為我一摩拂萍開淥池滿暈盡金波溢白日照空心圓光走幽室山神祇氣沮野魅真形出却思未摩時瓦礫來唐突

贈友人古鏡

朱晝

我有古時鏡初自壞陵得蛟龍龍尾蟠騰魅幸月蝕摩久見羨羨青於藍水色贈君將照心無使心受惑

團扇歌

劉禹錫

團扇復團扇奉君清暑殿秋風入庭樹從此不相見上有乘鸞女蒼蒼網虫蟬徧明年入懷袖別是機中練

彈琴

劉希夷

碧山本岑寂素琴何清幽彈為風入松崖谷颯以秋庭鶴舞白雪

泉魚躍洪流余欲娛世人明月難暗投感歎未終曲淚下不可收  
嗚呼鍾子期零落歸山丘死而若有知魂兮從我遊

江上琴興

常建

江上調玉琴一絃清一心泠泠七絃遍萬木澄幽陰能使江月白  
又令江水深始知梧桐枝可以徽黃金

聽蜀僧濬彈琴

李白

蜀僧抱綠綺西下峨眉峯爲我一揮手如聽萬壑松客心洗流水  
餘響入霜鍾不覺碧山暮秋雲暗幾重

奉和張舍人閣中夜直思聞雅琴因書事

呂溫

迢遞天上直寂寞丘中琴憶爾山水韻起予仁智心凝情在正始  
超想踈煩襟涼生子夜後月照禁垣深遠風調蘭氣微露清桐陰  
方襲緇衣慶永奉南薰吟

聽彈風入松贈楊補闕

王昌齡

商風入我絃夜竹深有露絃悲與林寂清景不可度寒落幽居心  
颯颯青松樹松風吹草白谿水寒日暮聲意去復還九變待一顧

空山多雨雪獨立君始悟

金陵聽韓侍御吹笛

李白

韓公吹玉笛惆悵流玉音風吹繞鍾山萬壑皆龍吟王子停鳳管  
師襄掩瑤琴餘響渡江去天涯安可尋

武昌老人說笛歌

劉禹錫

武昌老人七十餘手把度令相聞書自言年少學吹笛早事曹王  
曾賞激往年征北頭戍蘄州楚山蕭蕭笛竹秋當時買林恣搜索  
典却身上烏貂裘古苔蒼蒼封老節石上孤生飽風雪商聲五音  
隨指發水中龍應行雲絕曾將黃鶴樓上吹一聲占盡秋江月如  
今老去與猶遲音韻高低耳不知氣力已無心尚在時時一曲夢  
中吹

題老張松樹

宋之問

歲晚東巖下周顧何悽惻日落西山陰衆草起寒色中有喬松樹  
使我長歎息百尺無寸枝一生自孤直

古柏行

杜甫

孔明廟前有老柏柯如貴桐根如石霜皮溜兩四年圍黑色參天  
二千尺君臣已與時際會樹木猶為人愛惜雲來氣接巫峽長月  
出寒通雪山白憶昨路繞錦亭東先生武侯同閱宮雉鬼枝蘇郊  
原古窈窕丹青片牖空落落盤踞雖得地冥冥孤高多烈風扶持  
自是神明力正直元因造化功大厦如傾要梁棟萬牛回首丘山  
重不露文章世已驚未辭剪伐誰能送苦心豈免容螻蟻香葉嘗  
經宿鸞鳳志士幽人莫怨嗟古來才大難為用

與東方左史脩竹篇并序

陳子昂

東方公足下文章道弊五百年矣漢魏風骨晉宋莫傳然而文獻  
有可徵者僕嘗暇時觀齊梁間詩彩麗競繁而興寄都絕每以未  
歎竊思古人常恐凌也頹靡風雅不作以耿耿也一昨於解三處  
見明公詠孤桐篇骨氣端翔音情頓挫光英朗練有金石之聲遂  
用洗心飾視發揮幽鬱不圖正始之音復覩於茲矣可使建安作  
者相視而笑解君云張茂先何敬祖東方生與其出肩僕亦以為  
知言也故感歎雅制製作脩竹詩一篇當有知音以傳示之

龍鍾生商嶽孤翠橫鬱亭亭峯嶺上崇翠煙雨下微冥夜聞曉鼠叫  
書聒泉壑聲春風正淡蕩白露已清冷哀絃激金奏密色滋玉英  
歲寒霜雪苦含彩獨青青豈不默凝冽羞比春木榮春木有盈馥  
此節無凋零始願比金石終古保堅鞏不意伶倫子吹之幽子鳳鳴  
遂偶雲霓瑟張樂奏天庭妙曲方千變簫韶已九成信蒙彫斲美  
常願事僊靈驅馳翠虬駕伊鬱鬱比系鸞笙結玄音鳳臺女吟弄昇天  
行攜手登白日遠遊戲赤城低昂玄鶴舞斷絕彩雲生永隨衆仙  
去三山游玉京

種竹并序

元稹

昔樂天贈余詩云無波古井水有節秋竹竿余秋來種竹聽下因  
而有懷聊書十韻

昔公憐我直比之秋竹竿秋來苦相憶種竹聽前看失地顏色改  
傷根枝葉殘清風猶淅淅高節空團團鳴蟬聒暮景跳蛙築幽欄  
塵土復晝夜稍雲良獨難丹丘信云遠安得臨仙壇泐瘴久草綠  
何人驚歲寒可憐亭亭幹一一青琅耳孤鳳竟不至坐傷時節闌

竹徑偶作

權德輿

退朝此休沐閉戶無塵氛  
支策入幽徑清風隨此君  
琴觴恣優傲蘭蕙想益幽  
賞方自適林西煙景曛

露青竹枝歌

顧況

鮮于仲通正當年章仇兼瓊在蜀川  
約束蜀兒採馬鞭蜀兒採鞭不敢眠  
橫截斜飛飛鳥邊繩橋夜上層崖巔  
頭插白雲跨飛泉採得馬鞭長且堅  
浮渥子珠聯聯灰煮蠟指光爛然章仇兼瓊持上天  
上天雨露何其偏飛龍闥殿馬數千  
朝飲吳江夕林燕經塵撲纓汗濕  
羈師子麒麟聊比肩曲江昆明洗刑牽  
四蹄蹋浪頭梳天蛟龍稽顙河伯虔  
拓羯胡鵲脚手鮮陳閔韓幹丹青妍  
欲貌貌未貌眼欲穿金鞍玉勒錦連乾  
騎入挑花楊柳煙十二樓中奏管絃  
樓中美人奪神仙爭愛大家把此鞭  
祿山入關關破年忽見揚州北邸前  
祗有人還千一錢亭亭筆直無波節  
磨將形相一條鐵市頭格是無人別  
江海賤臣不拘綫聖朝挂影西窻缺  
稚子覓衣挑仰尤家僮拾薪幾拗折  
玉潤猶帶雪玉壘雪碧鮮似染長弘血

帝祠漢子規咽相如橋上文君絕  
往年策馬降至尊七盤九折橫劍門  
穆王八駿超崑崙安用冉冉孤生根  
聖人不貴難得貨金玉珊瑚誰買恩

暑日題道邊樹

王穀

火輪迸焰燒長空浮埃撲面愁濛濛  
羸僮走馬喘不進忽逢碧樹含清風  
清風留我移時住滿地濃陰願即去  
却歎人無及物功不似團團道邊樹

井上桐

陸龜蒙

羨人傷別離汲井常待曉愁因轉  
轉轉驚起雙棲鳥獨立傍銀牀碧桐風  
嫋嫋

石上藤

岑參

石上生獨藤弱蔓依石長不逢高枝引  
未得凌空上何處堪託身為君長寄  
萬丈

兔絲

元稹

人生莫依倚依依倚事不成君看兔絲  
蔓依倚榛與荆荆榛易蒙密

百鳥撩亂鳴下有孤兔穴奔走亦縱橫稚童斫將去采葛與之并  
醫蒼皇生可恥束縛死無名桂樹月中出珊瑚石上生俊鷗渡海食  
應龍昇天行靈物本特達不復相纏縈縈縈竟何者荆棘與飛莖

春草謠

顧況

春草不解行隨人上東城正月二月色綿綿千里萬里傷人情

王兵馬使二角鷹

杜甫

悲臺蕭颯石龍夜哀駘秋柝浩呼洶中有萬里之長江迴風陷日  
孤光動角鷹翻倒壯士臂將軍玉帳軒翠氣三鷹猛腦徐侯睽目  
如愁胡視天地杉雞竹兔不自惜谿虎野羊俱闕易鞬上鋒殺十  
二翻將軍勇銳與之敵將軍樹勳起安西崑崙虞泉入馬蹄白羽  
曾肉二俊狃敢決豈不與之齊荆南芮公得將軍亦如角鷹下翔  
雲惡鳥飛飛咏金屋安得爾輩開其羣驅出公梟繼鳥分

觀於白雁

李白

八月邊風高胡雁白錦毛孤飛一片雪百里見秋毫

飛鳥操

劉禹錫

鸞飛杳杳青雲裏鳥鳴蕭蕭風四起旗尾飄揚勢漸高箭頭張畫  
聲相似長空悠悠靈日懸六翻不動疑非煙游鷗翔鴈出其下  
雲清景相迴旋忽聞飢鳥噪相聚散下雲中爭腐鼠勝音礪叨相  
喧呼仰天大嚇疑鷓鴣畏人避犬投高處俛啄無聲猶憂顧青鳥  
自愛玉山禾仙禽徒貴華亭露撲撒危巢向暮時陪餽飽腹踰枯  
枝游童挾彈一麾肘臆碎羽分人不悲天生衆禽各有類感鳳文  
章在仁義雅鳥儀形螻蟻心雖能矣天何足貴

百舌吟

曉星寥寥春雲低初聞百舌閒關啼花枝滿空迷處所搖動繁英  
墜紅雨笙簧百轉音韻多黃鸝吞聲鸞無語東方朝日遲遲升迎  
風弄景如有驚數聲不盡又飛去何許相逢綠楊路絲蠻宛轉似  
娛人一心百舌何紛紜醜顏俠少停歌聽墮珥妖姬和睡聞可憐  
光景何時盡誰能低徊避鳴隼廷尉張羅自不關潘郎技彈無情  
損天生羽族爾何微舌端萬變乘春輝南方朱鳥一朝見索寞無  
言蒿下飛

鸚鵡詞

蘇郁

莫把金籠閉鸚鵡箇箇分明解人語忽然更向君前語二十六宮  
愁幾許

鴛鴦篇

陳子昂

飛飛鴛鴦鳥與書異相故虧俱來綠潭裏共向白雲涯音容相眷戀  
羽翮兩遂迤頰萍戲春渚霜霰遶寒池浦沙連岸淨汀樹拂潭莊  
年年此遊翫歲歲來追隨鳳皇起丹穴獨向梧桐枝鴻鴈來紫雲  
空憶稻梁肥鳥啼倦依託鶴鳴傷別離豈若比雙禽翻飛不異林  
刷羽清江浦父頸紫山岑文章負奇色和鳴多好音聞有鴛鴦  
復有鴛鴦為妾特為美人贈勗此故交心

子規啼

韋應物

高林滴露夏夜清南山子規啼一聲鄰家孀婦抱兒泣我獨衣轉  
何為情

鷓鴣吟

劉禹錫

朝陽有鳴鳳不聞千萬祀鷓鴣催殺芳良聞先入耳秋風白露降

從是爾啼時如何上春日唧唧滿庭飛

春蟬

元稹

我自東歸日默苦春鳩聲作詩憐化工不遣春蟬生及來商山道  
山深氣不平春秋兩相似虫多百種鳴風松不成韻蜩蟬涕如羹  
豈無朝陽鳳羞與微物爭安得天上雨奔渾河海傾蕩滌反時氣  
然後好晴明

江上蚊子

韋楚老

搖然翅亞紅腹江邊夜起如雲哭請問貪婪一點心府肉填腹幾  
多是越女如花住江曲寒蟻夜夜疑雙綠任君撩亂錦窗中十幅  
輕綃圍夜主

戲題關門

岑參

來亦一布衣去亦一布衣羞見關城吏還從舊路歸

門前路

陸龜蒙

門前向城路一直復一曲曲去日中還直行日暮宿何必日中還  
曲途荆棘間

文粹卷第十七之上





